



# Nyamagabe mu rugamba rw'iterambere



Umuyobozi w'Akarere ka Nyamagabe Bwana Mugisha Philbert



Umuyobozi w'Akarere wungirije ushinze iterambere ry'ubukungu, Madamu Mukarwego Umuhoza Immaculée



Umuyobozi w'Akarere wungirije ushinze Imibereho Myiza bwana Byiringiro Emile



Umuyobozi nshingwabikorwa w'akarere ka Nyamagabe, Nshimiyimana Jean Pierre

## Jeanne d'Arc Mukamana

Akarere ka Nyamagabe, icyicaro cy'icyahoze ari Gikongoro, aha-ri hazwi inzara idashira ndetse n'ubukene bukabije, ubu imiyoborere myiza yahahinduriye amateka.

## Akarere ka Nyamagabe

Nk'uko ubuyobozi bw'akarere bu-bitangaza, Nyamagabe mu gihe cy'abakoroni yari igabanyije mu byitwaga teritwari (Territoire) ya Nyanza n'ya Astrida. Nyuma yaje kuba umujyi mukuru wa Gikongoro, kuri ubu akaba ari akarere ukwako.

Akarere ka Nyamagabe kabaye kamwe mu turere 30 tugize u Rwanda kuva haba amavugurura yo mu 2006. Amavugurura yakozwe mu rwego rwo kwegeraza ubuyobozi abaturage. Kabarizwa mu ntara y'Amajyepfo, aho kagize akarere ka 8 k'iyi ntara. Kihariye igice kinini cy'icyahoze ari Gikongoro nk'amakomine ya Nyamagabe, Karama, igice kinini cya Mudasonwa, Musebeya, Musange, Karambo, na Rukondo.

Muri iki gihe Akarere ka Nyamagabe gafite ubuso bungana na ha 1009, gahana imbibi n'akarere ka Huye, Nyanza, Nyaruguru, na Rusizi; kakaba kagizwe n'imirengi 17.

## Nyamagabe ipfundo ry' Ishusho y'Imisozi Igihumbi

Aka karere kagizwe ahanini n'imisozi miremire, imigufi, ndetse kananyurwamo n' isunzu rya Kongo Nil. Ubu butumburuke by'umwihariko isunzu rya Kongo



Umujyi wa Nyamagabe wateye imbere

Nil, bukagira uruhare rukomeye ku miterere y'ikirere cyaho. Aho usanga igice kimwe gisa n'igishy-uha, ikindi kigakonja. Uru rusobe rw'imisozi itandukanye ku butumburuke yose iboneka muri aka karere, iyo uhatembereye ruguha isura y'inyito y' "Imisozi Igihumbi" izina ryanabaye akabyiniriro k'igihugu cyacu.

Iyi miterere abaturage bayungukiramo kuko bashobora kweza ibihingwa byose ari ibyihangani- ra ubushyuhwe ndetse n'ibikunda ubukonje. Bikagaragarira ku kuba ubusanzwe nta kandi karere kagize amahirwe yo kweza Kawa ndetse n'icyayi ari kamwe, kandi kagatanga umusaruro uhagije ku buryo bushimishije.

## Imigezi

Hari kandi n' imigezi nka Rukar-



Aha ni ahubatse Hotel Golden Monkey mu mujyi wa Nyamagabe.

ara, Mwogo, Mbirurume, na Rubiro. Uretse kuba na yo igira uruhare mu gutanga ikirere cyiza muri aka karere, ndetse n'amazi yifashishwa mu buhinzi ndetse no mu yindi mirimo itandukanye, ifite n'uruhare rukomeye mu iter-

ambere ry'igihugu by'umwihariko mu bijyanye no gutanga umuriro w' amashanyarazi ujya gucanira Abanyarwanda muri rusange. Aho kuri ubu umugezi wa Rukarara wamaze kubakwaho ingomero 2 z'amashanyarazi: Rukarara 1 na

## Rukarara 2

### Ubutaka

Imiterere y'ubutaka bwo muri aka karere, impuguke zagiye zigaragaza ko busharira, imwe mu mpamvu yatumaga butera, byo bikaba urwitwazo ko bidashoboka ko inzara yahashira.

Nk'uko umuyobozi w'akarere wungirije ushinze imibereho myiza y'abaturage mu karere ka Nyamagabe Byiringiro Emile abivuga, Gikongoro, ari na ho Nyamagabe iri, kimwe n'utundi duce twari mu kitwaga Nduga, kari karahejwe mu iterambere. Ndetse n'ubuyobozi bwariho ntibugaragaze ubushake mu gukemura ibibazo by'inzara byahahoraga. Ndetse ngo mu 1990, mu byahoze ari komine ya Karama na Nyamagabe hateye inzara yica benshi mu bari bahatuye.

Gusa muri iki gihe isura ya Nyamagabe yarahindutse ku buryo bugaragara, kuko nyuma ya gahunda zitandukanye zashyizweho na Leta mu rwego rwo guteza Abanyarwanda imbere, abatuye aka karere bazigejweho maze batangira imirimo yo guhinga bareza kandi bakanagemurira abo mu turere baturanye. Abaturage bahinga ibihingwa bitandukanye harimo Ibishyamba, ibigori, ibirayi, ingano, imyumbati, imbuto, imboga n'urutoki. Hari kandi n'Icyayi, na Kawa.

Si mu buhinzi gusa kandi kuko n'umujyi wahoze ubarirwa mu yasigaye inyuma mu Rwanda, muri iki gihe wateye imbere mu buryo bugaragara. Aho usanga inyubako



# Nyamagabe Yahinduye isura ya Gikongoro ya Kera

zitabarika z'amagorofa mu gihe mbere ya 1994 hari inzu imwe gusa ya etage.

Mukarwego Umuhoza Immaculé, Umyobozi w'Akarere wungirije ushinzwe Ubukungu yatangaje ko aho iyo nyubako iri na n'ubu hakitwa kuri "ETAGE" Ndetse ngo nta nzu zakira abashyitsi cyangwa amahoteli byari bihari. Ariko kuri ubu hari Hoteli yo mu rwego rw'inyenyeri 3 n'izindi zisanzwe

Aha ni ahubatse Hotel Golden Monkey mu muji wa Nyamagabe.

Hari kandi n'izindi nzu zakira abantu kandi zifite n'amacumbi (Centres d'accueille) zakira abahagana.

Kugeza ubu hari ibigo by'itumana-ho MTN, TIGO, AITEL bihafiye iminara, Ingendo zarorhejwe aho imodoka z'ibigo nka HORIZON na VOLCANO zorohereza abahagana n'abavayo mu biyanye n'ingendo. Amabanki yose kandi na yo ahafite amashami. Ibi byose bigafasha abatuye aka karere kuva mu bukene no mu bwigunge.

Amwe mu mabanki akorere mu muji wa Nyamagabe

## UBUHINZI

Muri iki gihe aka karere gahingwamo ibihingwa biberanye n'akarere kandi abaturage bagahabwa imbuto z'indobanure. Ibi bikabafasha kongera umusaruro ku butaka bwabo. Ubu butaka kandi bwishimirwa n'igihingwa cy'icyayi. Aho icyayi cyo muri aka karere gihora ku mwanya wa mbere muri Afurika kubera uburyohe bwacyo.

Muri iki gihe kandi mu rwego rwo kongera umusaruro ku butaka bw'akarere ka Nyamagabe hahujwe ubutaka ndetse hakorwa n'amaterase y'indinganire.

Hakiyongeraho no gufasha abaturage kubona inyongeramusaruro, byatumye abaturage beza bakihaza bagasagurira amasoko. Muri iki gihe inzara yabaye amateka mu mirenge yose igize akarere ka Nyamagabe.

## Ibirayi

Akarere ka Nyamagabe keza ibirayi cyane cyane mu mirenge ya Buruhukiro, Gatare, Nkomane, Uwinkingi, Tare na Kitabi. Abaturage bahinga ibirayi bakaba basarura byibura Toni 30 kuri hegitari. Ibirayi nk'igihingwa kiberanye n'akarere kandi abahinzi bagahabwa imbuto nziza, cyateje imbere abahinzi bo muri aka karere. Aho uretse kuba cyararwanyije inzara yari yarabaye karande, abahinzi babonye n'uburyo bwo kubona amafaranga mu gihe babigurishije bakabasha kwikura mu bukene.



Amwe mu mabanki akorere mu muji wa Nyamagabe



Imirima y'ingano mu karere ka Nyamagabe



Umuyobozi w'Akarere bwana Mugisha Philbert atangiza uburyo bwo guhingisha imashini mu murenga wa Buruhukiro

Muri iki gihe hari gahunda y'uko umusaruro ugomba kongerwa ukajya unagurishwa ku masoko mpuzamahanga binyujijwe mu gutunganya umusaruro w'ibirayi mu ruganda ruteganywa kubakwa muri aka karere. Umuyobozi ushinzwe igenamigambi (Planner) mu karere Karemera Jean de Dieu, avuga ko inyigo y'uru ruganda izatangirana n'umwaka wa 2015.



Abaturage beza ibirayi bagasagurira amasoko (Foto Nyamagabe District)



Umurima w'ibirayi muri imwe mu mirenga ya Nyamagabe

## Ingano

Akarere ka Nyamagabe kari muri duke twera mo ingano mu gihugu. Kakaba aka mbere keza ingano mu ntara y'amajyepfo yose. Mu karere ka Nyamagabe ingano zera mu mirenge ya Tare, Uwinkingi, Kibirizi, Buruhukiro, Gatare, Nkomane, Musebeya na Gasaka. Ingano zikaba zishobora gutanga umusaruro ungana na Toni 3 kuri hegitari.

Muri gahunda ya IDPRSII, mu rwego rwo kongerera agaciro umusaruro uva mu ngano harateganywa kubakwa uruganda rutunganya umusaruro w'ingano rugatanga ifarini na macaroni ndetse n'ibindi bikomoka ku ifarini y'ingano.

## Ibigori

Ibigori na byo biri mu byafashije guhashya inzara muri aka karere. Bihingwa ku butaka buhuje kuva mu mwaka wa 2008. Kandi bigatanga umusaruro wa Toni 2,8 kuri hegitari.

Byera mu mirenge ya Buruhukiro, Gatare, Nkomane, Uwinkingi, Tare na Kitabi aho bihingwa i musozi, hakiyongeraho ibishanga byo mu mirenge ya Mbazi na Kaduha.

Kuri ubu hari uruganda ruciriritse rusya Kawunga ruri mu mirenge wa Buruhukiro. Ibi bigatuma umusaruro w'ibigori urushaho kongerera agaciro. Hamwe na gahunda ya IDPRSII harateganywa ko kugeza mu mwaka wa 2018, hazaba hari uruganda ruteye imbere kurushaho.

## Imyumbati

Iki gihingwa cyera mu mirenge ya Mbazi, Cyanika, Kaduha, Mugano, Gasaka, Kamegeri Kibumbwe. Abahinzi b'imyumbati bashobora kweza Toni zigera kuri 28 kuri hegitari.

Umuyobozi ushinzwe igenamigambi mu karere, avuga ko muri iki gihe akarere gateganywa gufasha abatuye umurenga wa Kaduha kubona icyiniko cya Kijyanbere. Anavuga kandi ko bitarenze imyaka itanu hazaba hari uruganda



Imirima y'icyayi yo muri Nyamagabe

rutunganya imyumbati muri uyu murenge wa Kaduha.

mwaka hazongerwa Hegeritari 300 z'icyayi ku ubuso bwari busanzwe.

## KAWA N'ICYAYI icyayi "Inka Idateka"

Muri aka karere icyayi cyera mu gihe cy'umwaka wose. Aho umuhinzi asarura byibura buri kwezi agemurira inganda akabona amafaranga amufasha kwiteza imbere, kikaba cyarahawe akabyiniriro k' **Inka idateka**. Kubera uburyo kibaha umusaruro mu mezi yose y'umwaka.

## Kawa

Nyamagabe kandi yeramo igihingwa cya kawa ku buryo bushimishije. Ikera mu mirenge ya Gasaka, kamegeri, Kibirizi, Cyanika, Mbazi na Kaduha. Kawa yo muri iyi mirenge ikaba na yo izwiho uburyohe buruta izindi ku rwego rwa Afurika. Umuyobozi w'akarere wungirije ushinze imibereho myiza yemeza ko abahinzi bajya bahabwa ibikombe n'udushimwe mu gihe kawa yo muri aka karere yahize izindi bihuriye ku isoko mu buryohe mu bizwi ku izina rya "Cup of excellence".

## Umwihariko w'icyayi cya Nyamagabe

Mu karere ka Nyamagabe icyayi cyera mu mirenge ya Kitabi, Uwinkingi, Buruhukiro, na Gatare.

Abayobozi kandi bavugaga ko kugeza ubu hamaze kubakwa inganda nto 8 (Washing stations) zitunganyirizwamo umusaruro wa kawa mbere y'uko ujya gutunganyirizwa mu nganda nini.



Aho ikawa irongerwa (Washing station)

Mu rwego rwo gufasha abahinzi kubona aho bagemura umusaruro wabo, mu murenge wa Kitabi hari uruganda rutunganya icyayi "Kitabi Tea Factory", Ndetse no mu murenge wa Buruhukiro hari uruganda rwa "Mushubi tea Factory". Abayobozi b'akarere bakaba bemaze ko uru ruganda ari rwo rufite ubushobozi burenze ubw'izindi nganda z'icyayi mu Rwanda.

## Ubworozi

Mu bworozi na ho aka karere ntikasigaye inyuma. Abaturage bo muri aka karere bororora cyane cyane inka, ingurube, ihene n'andi matungo magufi. Hirya no hino mu mirenge hari amakusanyirizo y'amata, aho abaturage bazana

amata, akabikwa mu bikoresho byabugenewe mbere y'uko atwarwa n'abacuruzi n'inganda ziyatunganyaye.

uruganda rutunganya ibikomoka ku ngurube.

## Ibikorwa Remezo Imihanda

Muri iyi myaka 20 ishize akarere ka Nyamagabe kashyize imbaraga

Mu bworozi kandi aka karere korora ingurube aho kugeza ubu muri aka karere hari gahunda yo kubaka

Abahinzi b'icyayi bibumbira mu makoperative abafasha koroshya ubuhinzi bwabo. Aho kugeza ubu koperative COBACYAMU ihuza abahinzi b'icyayi bo mu murenge wa Uwinkingi na Buruhukiro bashoboye kwigurira imodoka ibafasha mu bikorwa byabo by'ubuhinzi, bifitiye abajyanama mu buhinzi (agronome), ndetse bakabona inyongeramusaruro zose bakenera mu buhinzi.

Ubuyobozi butangaza ko kugirango babashe kubona umusaruro uhaza uruganda rwa Mushubi, uyu



Uruganda rutunganya icyayi rwa Mushubi



Inka zitangwa muri gahunda ya Girinka



# Nyamagabe Yahinduye isura ya Gikongoro ya Kera



Rimwe mu makusanyirizo yo muri Nyamagabe

mu kwegeraza abaturage ibikorwa remezo bitandukanye. Aho Hakozwe imihanda y'amabuye ihuza imidugudu yo mu muji wa Nyamagabe, hakanakorwa n'imihanda y'imigenderano ihuza imirengwe itandukanye y'aka karere. Ibi bikaba byaragize ingaruka nziza mu gutanga isura nziza y'aka karere, ndetse n'abaturage boroherwa n'ingendo.

Umuyobozi ushinze igenamigambi mu karere, avugako kugeza ubu hatunganyijwe umuhanda uhuza **Gasaka na Musange, Buruhukiro na Bisharara, Gasarenda na Gisovu, Kibirizi na Kibumbwe**. Abakuwe muri nyakatsi nabwo batujwe ku midugudu.



Ibikoresho bikusanyirizwamo amata

## Amashanyarazi

Muri iki gihe abaturage batuye akarere ka Nyamagabe bacaniwe ku kigero cya 14 ku ijana, mu gihe mbere ya jenocide abantu bari bafite umuriro w'amashanyarazi bari 2,8 gusa.

## Amazi

Amazi meza na yo yegerejwe abaturage ku kigero cya 82 ku ijana. Ibi byorohejwe n'uko hari imiyoboro y'amazi meza yakozwe kuva

ku isoko akagera mu mirengwe itandukanye. Aho hakozwe umuyoboro uvana amazi ku isoko ya Nyungwe-Rugabwe-Kitabi-Gasarenda-Gakoma. Ufite ibirometero 45 km.

Hari kandi n'undi muyoboro uvana amazi ku isoko ya Nyungwe-Buruhukiro-Kizimyamuriro-Rugando.



Imihanda y'amabuye yo mu muji wa Nyamagabe



Umwe mu midugudu yo muri Nyamagabe.



Kuri iyi miyoboro y'amazi akwirakwiza amazi mu mirengwe hiyongereho andi masoko yari asanzwe mu mirengwe n'andi mariba aba yaragiye ashirwaho mu bihe bitandukanye. Ubuyobozi bukaba buvugako amazi azagenda yongerwa mu baturage bazagira amazi meza ku kigero cy'ijana ku ijana.

## Mu Buzima

Akarere ka Nyamagabe gafite ibitaro bibiri; **ibya Kaduha n'ibya Kigeme** bifasha abaturage kubona serivise z'ubuzima ku buryo burohoheye. Bigakorana n'ibigo nderabuzima 18 biri mu mirengwe yose, ndetse na poste de santé 3. Ku bufatanye n'abafatanyabikorwa nka World Vision, PAGOR, n'indi miryango iharanira inyungu rusange itari iya leta na Intrahealth, harimo harubakwa poste de santé zigera kuri 6 mu tugari dutandukanye.

Umuyobozi w'Akarere wungirije





ushinzwe Imibereho myiza Byiringiro Emile atangaza ko muri aka karere, mu mwaka wa 2013 abaturage bitabiriye ubwisungane mu kwivuzza ku kigero cya **82 ku ijana**. Imfu z'ababyeyi n'abana zaragabanutse, aho kugeza ubu abagore babyarira kwa muganga bageze kuri 97 ku ijana. Ubwitabire muri gahunda zo kuboneza urubyaro bugeze kuri 98 ku ijana. Naho imfu ziterwa na malariya ni 0 ku ijana kuko muri aka karere nta malariya ikiharangwa.

## Uburezi

Kimwe n'ahandi mu Rwanda, Mu karere ka Nyamagabe na ho hashyizwe ingufu mu burezi bw'imyaka 9 na 12 y'ibanze. Ubuyobozi bw'aka karere bukaba bwemeza ko iyi gahunda ari iyo kwishimirwa kuko yafashije abana benshi kubona amahirwe angana ku burezi. Kongera ibyumba by'amashuri bikaba kimwe mu byatumye ubucucike bw'abanyeshuri mu ishuri rimwe bugabanuka, bityo n'abarimu bakabona uko bigisha umubare w'abanyeshuri bashobora gukurikirana uko bikwiye.

Ibigo byisumbuye nka **Ecole Secondaire de Nyamagabe na Groupe Scolaire Kigeme** bikaba biza ku isonga mu bigo bitsindisha ku kigero gishimishije, nk'ibigo by'icyitegererezo muri aka karere.

## Inganda

Uretse kuba mu karere ka Nyamagabe hari inganda zitunganya umusaruro uva mu buhinzi cyane cyane izitunganya Kawa n'icyayi, hari n'izindi nganda zitanga imisaruro itandukanye.

## Uruganda rutunganya amapoto (poteaux)

Uru ruganda rwubatswe mu rwego rwo gufasha kubona ibiti bifasha mu gukwirakwiza umuriro amashyamba. Ibi bita bikaba bikoreshwa mu Rwanda no hanze ya rwo. Ubuyobozi bw'akarere buvugaga ko kuva rwatangira rumaze gutunganya ibiti 7500. Runatunganyanywe kandi n'amakara. hifashishijwe imyanda, ayo makara akaba aramba kurusha ayandi kandi ntiyangize ibidukikije.

## Uruganda rutunganya ibikomoka ku ngurube

Muri aka karere hari n'uruganda rukora ibyo kurya bikomoka ku itungo ry'ingurube. Mu byo rukora harimo amavuta y'ingurube, na SOSISO.

## Ubukerarugendo

Akarere ka Nyamagabe gateye ku buryo bubereye ijisho. Bimwe mu bigize ubwiza nyaburanga bw'akarere ka Nyamagabe ni Ishyamba rya Nyungwe. (Parike y'igihugu ya Nyungwe)

Iri shyamba akarere ka Nyamagabe karihuriyeho n'akarere ka Ru-

sizi ko mu ntara y'Iburengerazuba. Ariko igice kinini kiri mu karere ka Nyamagabe. Iri shyamba ribamo inyamaswa n'inyoni z'ubwoko butandukanye butaba henshi, zikurura abakerarugendo. Habamo kandi n'ubwoko bwinshi n'indabona utasanga ahandi.

Muri aka karere wahasanga n'imisozi miremire ndetse n'isunzu rya Kongo Nil, ubuvumo bwa Ruganzu, imigezi, n'ibindi.

## Amazi ya Kunyu

Aya mazi aherereye mu murenge wa Uwinkingi, akagari ka Gahira mu mudugudu wa Kunyu. Aya akaba ari amazi azwi ku izina ry' **"Amazi ahiye"**. Abayarwanda ba kera bayuhiraga inka, bakaba baravugaga ko atuma zirinda bityo zikororoka cyane. Akaba yarafatwaga nka bumwe mu buryo butuma bagwiza inka.

**Umusozi wa Rweru.** Akarere ka Nyamagabe gafite gahunda yo gutunganya uyu musozi ukajya ukorerwaho ubukerarugendo. Uyu musozi ukaba ufite amateka ku baturage b'aka karere. Aho ububutsa uburyo mu gihe cy'abakoroni baje bakuraho abatware, abaturage baturiyeye Rweru bakanga kwirukana umutware wabo. icyo gihe abaturage ngo baba barashyizweho iterabwoba n'abakoroni bagahungira kuri uwo musozi. Umuyobozi ushinze igenamigambi, yemeza ko iyo umuntu ahagaze kuri uwo musozi abona intara y'amajyepfo yose uko yakabaye.

## Ubuwumo bwa Ruganzu

Iyi nzira inyura mu kuzimu igahinguranya umusozi iri ahitwaga mu Bunyambiriri mu gihe cya kera. Bivugwako Ruganzu yahanyuze aya gutera na kwigarurira ikirwaga cy'Ijwi.

## Imyidagaduro

Akarere ka Nyamagabe kashyize imbaraga no mu myidagaduro aho gashyigikira mu buryo bw'umwihariko ikipe y'umupira w'amaguru 'AMAGAJU FC' kugeza ubu yitwara



Ibyumba by'amashuri imyaka 9 na 12



Ubwoko bw'ibiti bitunganywa n'uruganda rw'amapoto



Ikipe y'akarere ka Nyamagabe AMAGAJU FC

neza ikaba iri ku mwanya wa gatanu, no mu Kiciro cya 2 cya Shampiyona.

Andi makuru y'akarere wayasanga ku rubuga rw'akarere ka Nyamagabe ugatanga n'ibitekerezo

## Ubutumwa

Akarere ka Nyamagabe karashimira by'umwihariko umukuru w'igihugu Paul Kagame ku iterambere yatumye aka karere kageraho binyuze mu miyoborere myiza ndetse na gahunda z'iterambere ageza ku Banyarwanda. Ubu buyobozi bukizeza abaturage b'akare-

re ka Nyamagabe ko ibyiza byose bizabageraho bafatanyije kuko aho akarere kavuye ari kure, kandi n'imbere hakaba hari icyizere. Abaturage bagasabwa kurushaho gushyira imbaraga ku murimo kugirango barushaho kwigira, kandi bakomeze bagire iterambere bose bagizemo uruhare.



Amazi ya Kunyu